

古今女將傳贊敘

吾華近時競開女學堂日本政治亦重女學堂各國皆尙以爲教育之基在此豈不信然中國上古時有女皇氏垂教後世相傳共工與顓頊戰爭折天柱絕地維而女媧有補天之功時女媧爲帝共工顓頊爲諸侯能平其爭是女媧氏善將將也至殷周時驪山之女爲戎胥軒妻生中潏以親故歸周保西垂西垂以其故和睦其人有非常材略周文王興於西夷倚以爲重武王誓師嘉念其功置之亂臣十人之列故

孔子曰才難不其然乎唐虞之際於斯爲盛有婦人焉九人而已

近儒俞曲園先生有創建驪山老母祠議前說本之

其後驪山女

之風染於秦孔子刪詩列秦風說者謂小戎之篇婦人女子亦知兵而好義秦是以強蓋耳所習聞風氣漸開男女本同男子讀書尚氣節則爲忠臣爲義士女子讀書尚氣節則爲烈婦爲女將聖賢豪傑巾幘英雄其致一也苟從教育時先提倡之則風氣所趨豈獨秦風爲然乎商子云壯女爲一軍又阮太沖作女雲臺二卷記古女子婦人建義旗滅盜事多至數

十百人然是書已無傳余獨感秦風之說錄史傳所載自漢迄清得女將六十九人列其事實系以讚詞名曰古今女將傳贊以遺女學堂或有裨於教化云
民國二年癸丑仲夏長洲朱孔彰書

--	--	--	--	--	--	--	--	--

古今女將傳贊圖目

卷一

元女

手箸戰經

馮夫人

錦車持節

李秀

築天女城

徐琨母

獻策伐蘆

張茂妻

詣闕上書

荀灌

乞師救父

劉遐妻

單騎救夫

虞潭母

助子平賊

朱序母

率婢築城

顧琛母

高年臨戎

石勒妻

拔劍斬賊

苟金龍妻

祈雨懸絹

楊大眼妻

戎裝齊鏞

洗夫人

錦繖膺榮

孫道溫妻

畚土完城

任城太妃

代子守城

鄒保英妻

乘城共守

古元應妻

固守飛狐

平陽公主

娘子能軍

李商胡母

謀殺曹旦

李謹行妻

擐甲拒寇

木蘭女

代父戍邊

苻登妻

彎弓射敵

唐四娘

歃血赴營

卷二

李侃妻

執爨爨士

崔甯妻

散財募士

王若渙妻

武威戰績

李克用妻

力保太原

寨夫人

大破黃巢

韓夫人

親執桴鼓

周虎母

奮具犒軍

劉節使女

繡旗督陳

一丈青

認旗著美

遼太祖后

大破室韋

蕭后

親御戎車

沙里質

拔劍督戰

曾氏婦

結砦黃牛

阿爾占

手碎詐書

晏溥妻

戎服勒兵

完顏妻

自作一軍

宣娘

保黃平州

許夫人

聚兵山寨

畢韜文

輿父尸還

韓貞女

改裝入伍

瓦氏

以蛇爲糧

沈雲英

代父將軍

蕭如薰妻

力拒哱拜

阿曩

率部禦賊

張銓妻

堅守家堡

秦良玉

善射能文

吳允誠妻
子管者妻

入朝獻馬

木青妻

擐甲躍馬

劉淑

索筆賦詩

夜梅

手提尺劍

張鐸妻

執挺擊賊

張國鋐妾

手猶抱石

劉夫人

登屋射賊

青嘉努妻
邁圖代妻

三婦忠勇

徐襄毅妻

夜襲斫營

林夫人

齧指寫書

孝烈夫人

親享戰士

莫遠猷母

率子築堡

李仙姑

能避五兵

孫開華媳

募軍報讎

古今女將傳贊卷上

長洲朱孔彰編述

元女

元女箸戰經一卷兵法四卷

隋書經籍志

贊曰明恥教戰雄于丈夫陋彼孫武不數穰苴

馮夫人

楚主侍者馮嫽能史書內習漢事外習西域諸國事嘗持漢節爲公主使城郭諸國敬信之號曰馮夫人爲烏孫右大將妻右大將與烏就屠相愛都護鄭吉使馮夫人說烏就屠使降烏就屠恐曰願得小號以

自處帝徵馮夫人自問狀乃遣謁者送馮夫人錦車持節詔烏就屠詣長羅侯赤谷城立楚主子无貴靡爲大昆彌烏就屠爲小昆彌皆賜印綬通鑑

贊曰錦車持節克平戎醜當邁昭君名傳不朽

李毅女

章州刺史李毅之女名秀父討夷寇戰死眾推秀領州事同將士固守拔艸薰鼠而食之卒破賊時以秀所築城爲天女城南詔通記

贊曰代領州事李秀英豪拔艸薰鼠士餓守牢一時

景仰天女城高

徐琨母

富春徐琨隨孫策擊樊能于麋等于橫江攻張英于當利口而船少欲駐軍更求時琨母在軍中謂琨曰恐州家多發水軍來逆人則不利矣如何可駐耶宣伐蘆葦以爲拊佐船渡軍琨具啟策策即行之眾俱濟遂破英走笮融劉繇三國志

贊曰伐蘆爲拊佐船渡兵帥用其策遂破張英徐母有謀討虜功成

張茂妻陸氏

吳魏守張茂死沈充之難妻陸氏散家財率茂部曲討充敗之詣闕上書爲茂謝不克之責詔曰茂夫妻忠誠舉門義烈宜追贈茂太僕

晉書列女傳

贊曰夫仇克報大破沈充追贈茂官詔書寵隆

荀灌

灌荀崧小女也崧都督荊州屯宛爲杜曾所圍力弱食盡欲求援于故吏襄城太守石覽計無所出女灌時年十三乃率勇士數人踰城突圍夜出賊追甚急

灌督將士且戰且行入魯陽山獲免遂向覽乞師及代爲崧書與中郎將周飭結爲兄弟飭即遣子率三千人會覽救崧賊聞兵至散走

華陽國志

按晉書列女傳以崧爲襄陽太守

誤

贊曰年未當笄孝勇莫及突圍乞師救父心急兵至賊散功成名立

劉遐妻

劉遐妻邵續女也驍果有父風遐嘗爲石季龍所圍妻單將數騎拔遐于萬衆之中後遐卒其壻將作亂

密焚其軍仗諸將即時定之

六帖

贊曰突圍救夫出萬眾中有謀有勇應驚季龍

吳潭母

虞潭征蘇峻潭母孫氏盡發家僮令隨潭助戰貿其所服環珮以爲軍資

晉書

贊曰五馬南渡虞母名著助子平賊功成有譽

朱序母

梁州刺史朱序母韓氏秦王苻堅攻襄陽序固守中城秦兵攻中城初韓氏聞秦兵將至自登城履行西

北隅以爲不固帥百餘婢及城中女丁築斜城于其
內及秦兵至西北隅果潰斜城不破

晉書

贊曰親率女丁修築不傾共頌韓氏號夫人城

鄉琊王女 顧琛母

晉鄉琊王廢起兵以己女爲貞烈將軍悉以女人爲
官屬以顧琛母孔氏爲軍司馬時年已百餘尙能執

堅破陣

荷亭
辨論

贊曰女子知兵陰符天授高年臨戎忠貞得壽

石勒妻劉氏

勒后劉氏侍中劉閨中妹別部胡人也勒納之于胡門美色有德寵張裨反于襄城后拔劍斬之勒賴后而濟后性敏慧多幹畧理國之務佐勒建功業有呂氏輔漢之風然嚴整婉容性不妬忌尤過之也初封上黨國夫人建平元年立爲皇后十六國春秋

贊曰拔劍斬賊襄城以平婉容有德不服倉庚

苟金龍妻

梓潼太守苟金龍妻劉氏平原人也宣武時金龍爲魏帶關城戍主梁人攻圍金龍病不堪部分劉遂理

戰具拒敵百餘日分衣減食同勞逸戍副高景謀叛立誅之衆畏威懷德并在外城爲賊據城絕水劉氏向天禱祈俄而雨劉命出公私布絹縣之絞而取水悉儲之會救至梁人乃退宣武嘉之賞其子爵焉史

魏書

賛曰拒戰十旬代夫調度關城以安天賜甘澍

楊大眼妻

楊大眼妻潘氏善騎射嘗自詣軍省大眼至攻戰遊獵之際潘氏亦戎裝齊鑣並驅及還營同坐幕下對

諸僚佐言笑自得大眼指謂人曰此潘將軍也
贊曰攻戰遊獵夫婦相從一時名著是女英雄

女世說

洗夫人

譙國夫人洗氏高梁人也世爲南越首領部落十餘萬家夫人幼賢明在父母家撫循部衆能行軍用師壓服諸越每勸宗族爲善由是信義結於本鄉梁大同初羅州刺史馮融聞夫人有志行爲其子高梁太守寶聘以爲妻融本北燕苗裔至寶數世爲守牧他鄉羈旅號令不行夫人乃誠約本宗使從百姓禮每

與夫寶參決辭訟首領有犯法者雖親族無所縱捨自此政令有序人莫敢違後遇侯景反廣州都督徵兵援臺城高州刺史李遷仕據大臯口遣召寶寶欲往夫人疑其反正之數日遷仕果反遣主帥杜平虜率兵入瀘石寶以告夫人曰平虜入瀘與官兵相拒勢未得還遷仕在州無能爲也宜遣使詐之云身未敢出欲遣婦往參彼必無防慮我將千餘人步擔雜物唱言輸賈得至柵下賊必可圖從之夫人果擊敗遷仕因總兵與長城侯陳霸先會於瀘石還謂寶曰

陳都督極得眾心必能平賊君厚資給之及寶卒嶺表大亂夫人懷集百越數州宴然陳永定二年其子僕年九歲遣帥諸首領朝于丹陽拜陽春郡守後廣州刺史歐陽紇謀反召僕至南海誘與爲亂僕遣使告夫人夫人曰我爲忠貞經今兩代不能惜汝負國遂發兵拒境紇徒潰散僕以夫人之功封信都侯冊夫人爲高梁郡太夫人賚繡幘油絡駟馬安車一乘給鼓吹一部并麾幢旌節一如刺史之儀陳亡事隋遺孫魂帥衆迎總管韋洸洸至廣州表魂爲儀同三

司冊夫人爲宋康郡夫人未幾番禺人王仲宣反圍
洗進兵屯衡嶺夫人遣孫暄帥師援洗時暄與逆黨
陳佛智素相友故遲留不進夫人大怒遣使執孫暄
係州獄又遣孫益討佛智斬之進兵至南海與鹿原
軍會共破仲宣夫人親被甲乘介馬張錦繖領鼓騎
衛嶺南旣定帝拜益爲高州刺史仍赦出暄拜羅州
刺史追贈寶爲廣州總管封洗氏譙國夫人幕府署
長史以下官屬給印章聽發部落六州兵馬若有機
急便宜行事降敕書褒美賜物五千段皇后以首飾

及宴服一襲賜之夫人並盛於金篋并梁陳賜物各藏于一庫每歲時大會皆陳於庭以示子孫曰汝等宜盡赤心向天子我事三代主惟用一好心今賜物俱存此忠孝之報時番州總管趙訥貪虐諸俚獠多有亡叛夫人遣長史張融上封事論安撫之宜并言訥罪狀上遣推訥得其贓竟致於法敕委夫人招慰亡叛夫人親載詔書自稱使者厯十餘州宣述上意諭諸俚獠所至皆降文帝賜夫人臨振縣湯沐邑一千五百戶仁壽初卒謚爲誠敬夫人

隋書
北史
女世說

子善將兵者有保甯洗氏陳氏

雞牘
刺言

贊曰寶全僕免智勇是饒貽厥孫謀上德宣昭繡幙
錦繖乘馬驕驕勤勞三世忠於南朝

孫道溫妻

孫道溫妻趙氏女也万俟奴反圍岐州趙氏率城內
人衆齊畚土完城城竟克全贈安平縣君

北史

贊曰畚土完城全此衆生岐州以定褒美安平

任城太妃孟氏

任城國太妃孟氏鉅鹿人尙書令任城王澄之母澄

爲揚州刺史率衆出討梁將姜慶真襲陷羅城長史
韋續計無所出孟乃勒兵登陴先守要便激厲文武
安慰新舊勸以賞罰將士咸奮太妃親巡城守慶真
乃退靈太后令曰鴻功盛美實宜垂之永年乃勅有

司樹碑旌美

魏書慶真說備作慶貞

賛曰太妃孟氏代子守城何以退敵賞罰嚴明

鄒保英妻

鄒保英妻奚氏萬歲通天初契丹賊李盡忠來寇平
州保英時任刺史領兵討擊旣而城孤援寡勢將陷

奚氏乃率家僮及城內女丁相助固守賊退所司以

聞優制封爲誠節夫人

唐書列女傳

贊曰家僮女丁率守城闕佐夫盡忠無媿誠節

古元應妻

縣令古元應妻高氏能固守飛狐縣城卒免爲突厥所陷下詔曰頃屬默啜攻城咸憂陷沒丈夫固守猶不能堅婦人懷忠不憚流矢由茲感激危城重安如不褒昇何以獎勸古元應妻可封爲徇忠縣君

唐書列女傳

傳

贊曰高氏縣君惟夫是助飛狐能守虜引而去

平陽公主

唐高祖起義兵女平陽公主夫柴紹欲往虜不能偕
主曰公行矣我自爲計遂發家資招亡命得數百人
諸賊皆來會乃申法誓衆遠近咸附勒兵七萬威振

關中與紹對置幕府號娘子軍

南部新書

贊曰提兵赴召夫婿忠勤對置幕府娘子能軍

李商胡母

李商胡之母霍氏善騎射自稱霍總管時李世勣結

商胡爲昆弟入拜商胡之母母泣謂世勣曰竇氏無道如何事之世勣曰母無憝不過一月當殺之相與歸唐耳世勣辭去母謂商胡曰東海公許我共圖此賊事久變生何必待其來不如速決是夜召曹旦裨將二十三人飲之酒盡殺之旦蓋建德妻兄鎮河南者也通鑑

贊曰竇氏無道李氏有成母知速決不待變生

李謹行妻

李謹行妻劉氏在代奴城靺鞨攻之劉氏擐甲率衆

守城賊退封燕郡夫人

唐書

贊曰鞣羯來攻劉氏能守賊退城完崇封禮厚

木蘭

木蘭女梁人也代父戍邊十二年人不知爲女歸賦
成邊詩一篇傳於世杜牧題其廟云彎弓征戰作男
兒寢裏曾經學畫眉幾度思歸還把酒拂雲堆上祀

明妃

一統志木蘭隋宋州人姓魏氏
焦氏筆刺史姓朱氏獨異志

附木蘭詩

見古詩選或曰木蘭
作或曰無名氏作

唧唧復唧唧木蘭當戶織不聞機杼聲惟聞女歎息

問女何所思
問女何所憶
女亦無所思
女亦無所憶
昨夜見軍帖
可汗大點兵
軍書十二卷
卷卷有爺名
阿爺無大兒
木蘭無長兄
願爲市鞍馬
從此替爺征
東市買駿馬
西市買鞍轡
南市買轡頭
北市買長鞭
朝辭爺娘去
暮宿黃河邊
不聞爺娘嘆
但聞黃河流
水鳴濺濺旦
辭爺娘去暮宿
黑水頭不聞爺
娘嘆女聲但聞
胡騎鳴啾啾萬
里赴戎機關山度
若飛朔氣傳金鐸
寒光照鏃衣將軍
百戰死壯士十
年歸歸來見天子
天子坐明堂策勲
十二轉賞賜百

千強可汗問所欲木蘭不要尙書郎願借明駝千里
足送兒還故鄉爺嬪聞女來出閣相扶將阿姊聞妹
來對鏡理紅妝小弟聞姊來磨刀霍霍向豬羊開我
東閣門坐我西間牀脫我戰時袍著我舊時裳當窗
理雲鬟對鏡帖花黃出門看火伴火伴皆驚忙同行
十二年不知木蘭是女郎雄兔腳撲朔雌兔眼迷離
雙兔旁地走安能辨我是雄雌

贊曰代父戍邊十有二年才兼文武忠孝雙全改裝
易服矢志貞堅帖花有像風格儼然

苻登妻

姚萇襲苻登營陷之登后毛氏彎弓跨馬率壯士數百與戰殺七百餘人衆寡不敵爲萇所執遂被害

晉書

春秋
十六國

賛曰跨馬彎弓殺賊七百毛氏義烈名留竹帛

侯四娘 唐四姑 王二娘

衛州女子侯四娘滑州女子唐四姑青州女子王二娘當史思明之亂相與歃血赴行營討賊滑濮節度使許叔冀表其忠皆補果毅將軍

唐書列女傳
冬夜箋記

贊曰唐代中興果毅斯補嗟彼淑女可以禦侮

古今文將傳贊卷上終

大竹徐永孝校字

古今女將傳贊卷下

長洲朱孔彰編述

李侃妻

唐項城令李侃妻楊氏建中末李希烈襲陳州侃以城小賊銳欲棄去婦曰君逃尚誰與守死職焉可也侃曰兵少財乏何以守婦曰縣不守則賊地也倉廩府庫其積也百姓其戰士也于國家何有請重賞募死士幾可濟侃乃召吏民入庭中約死守衆泣許諾得數百人率以乘城婦身自爨以享士饗必周侃中流矢欲歸卧婦責之曰君不乘城孰爲有固心乎死

于外猶愈于牀也侃遽登城會賊將中流矢死引去而城完楊氏之力也

唐書

贊曰婦人有志可勝于夫強藩跋扈稔惡噬膚勉以死守何懯城孤榮名克保夫婦與俱

崔寧妻

西川節度使崔寧妻任氏寧入朝楊子琳襲其城任氏素驥勇卽出家資十萬募勇士得千人設部隊手自麾兵逼子琳子琳大懼而還朝廷加旰尚書賜名

寧任氏封夫人

舊唐書
通鑑

贊曰十萬家資出募勇士夫旣入朝城惟我恃手自麾兵敵人披靡

王若渙妻

舊史引作若龜

王若渙妻夏氏以戰功封武威郡夫人

唐書

贊曰婦人知兵豈惟內助頗有戰功武威名著

李克用妻

克用妻劉夫人嘗隨軍行軍機多所取益

北夢瑣言

克用困於上源驛左右先脫歸者以汴人爲變告其妻劉氏劉神色不動立斬之陰召大將約束謀保軍

以還克用歸欲攻汴劉氏曰當訴之朝廷若擅舉相
攻天下孰能辨其曲直乃止

容齋五筆

劉氏嘗從征伐爲人明敏多智畧頗習兵機常教其
侍妾騎射以佐太祖梁遣氏叔琮康懷英等連歲攻
晉圍太原晉兵屢敗太祖憲思不知所爲大將軍李
存信等勸太祖亡入北邊收兵以圖再舉太祖然之
入以語夫人夫人問誰爲此謀者曰存信也夫人罵
曰存信代北牧羊兒耳安足與計成敗邪且公嘗笑
王行瑜棄邠州走卒爲人禽今乃自爲此乎昔公亡

奔達靼幾不能自脫賴天下多故乃得南歸今屢敗之兵散亡無幾一失其守誰能從公北邊其可至乎太祖大悟乃止

史代

贊曰能佐唐祖夫人知幾不徒代北頗習兵機卒保太原滅梁顯威

寨將夫人

寨將夫人虞氏黃巢破西衡州虞氏躬被甲冑率兄弟及鄉兵戰禦賊遂北虞氏亦死鄉人爲立廟大有靈應宋嘉定閒封顯佑夫人

嶺南名勝志

贊曰躬被甲胄大破巢兵夫人廟祀雖死猶生

韓蘄王夫人

夫人京口妓也蘄王納之後封梁國夫人蘄王嘗邀兀朮于黃天蕩夫人親執桴鼓金兵終不得渡一夕兀朮鑿河遁去夫人奏疏言世忠失機縱敵乞加罪責舉朝爲之動色

鶴林玉露

金兵至世忠軍已先屯焦山寺金將李選降受之兀朮遣使通問約日大戰許之戰將十合梁夫人親執桴鼓金兵終不得渡建炎六年世忠授武寧安化軍

節度使京東淮東路宣撫處置使置司楚州世忠披
艸萊立軍府與士同力役夫人梁親織薄爲屋

宋史

贊曰親執桴鼓遏金渡江効夫一疏天子動容勞苦
從夫織薄爲屋戰士樂隨三軍和睦

周虎母

周虎平江人倜儻有大將器身兼文武能賦詩工大
字開禧間守和州敵騎蔽野居民官軍無以爲食城
欲下者屢矣其母夫人自拔首飾奩具巡城埠徧犒
軍使盡力一戰命虎同士卒甘苦與之俱攻圍以出

戰士卒感其誠意遂以血戰敵騎幾殲上守城功歸子母命封和國賜冠帔云

朱葉紹公四朝聞見錄戊集

贊曰益具犒軍激士以義血戰攻圍遂殲敵騎和國榮封錫之冠帔

劉節使女

李全襲東平遇金龍虎上將軍盛兵以出旁有繡旗女將馳槍突鬪全幾不免精銳喪失大半女將劉節使女也

金史

贊曰繡旗盪決全喪其師節使之子英武其姿

一丈青

馬皋被誅閭勁周恤其妻一丈青以爲義女後勁說
張用歸朝以一丈青妻之遂爲中軍統領有二認旗
在焉題曰關西眞烈女護國馬夫人女世說

贊曰丈青烈女中軍之帥有二認旗標其美懿

遼太祖后

太祖淳欽皇后述律氏諱平小字月理朵太祖行兵
御衆后嘗與謀太祖渡磧擊黨項黃頭臭泊二室韋
乘虛襲之后知勤兵以待奮擊大破之名震諸夷及

後平渤海后與有謀太祖崩后稱制攝軍國事

玉璽集

遼史

贊曰遼祖建國述律佐師大破室韋名震諸夷復攝國事功邁鬚眉

蕭后

遼景宗睿知皇后蕭氏諱綽小字燕燕宰相思溫女
景宗冊爲后生聖宗景宗崩后攝政族屬雄強邊防
未靖后與耶律斜軫韓德讓參決大政任于越休哥
以邊事后明達治道聞善必從故羣臣咸竭其忠習

知軍政澶淵之役親御戎車指麾三軍賞罰信明將士用命聖宗稱遼盛主后教訓爲多

遼史
丹國志
契丹

贊曰北遼蕭后習于軍政澶淵臨戎士皆用命

沙里質

沙里質阿鄰妻也天輔六年黃龍府卒叛時阿鄰從

軍沙里質糾男婦五百餘人以氈爲甲以裳爲旗賊至男夫授甲婦人鼓噪自拔劍督戰凡三日賊去論

功封金源郡夫人

金史

贊曰阿鄰有婦瓊甲裳旗麾兵敗賊三日爲期黃龍

卷之二
三
郡固褒顯是宜

曾婦晏氏

曾氏婦晏汀州寧化人夫死不嫁紹定間寇破寧化將樂令令土豪各爲砦結約以拒賊晏首助兵給糧多殺獲賊結集來攻諸砦不能禦晏獨依黃牛山旁自爲砦以居一日賊遣人來索婦女金帛晏悉召其田丁諭之曰汝曹衣食我家賊求婦女意在我汝等必用命奮擊之不勝殺我降未晚也傾齋資犒之衆感奮使諸婢鳴金作其氣賊復退敗鄉鄰人挈眷依

焉有不能給者晏悉以家糧飲之于是聚眾日廣與其豪析黃牛山爲五砦選少壯練訓之有急互犄角相援賊數攻弗克所活老稚數萬計知劍南州陳韓遺金帛獎之名其砦曰萬安晏悉散給其下又分五

砦人詔封恭人賜冠帔補其子承信郎

宋史

贊曰築砦拒賊傍黃牛巒保全鄉里宜名萬安

阿爾占

阿爾占呼爾哈明安瓜爾佳胡山之妻夫亡寡居有衆千餘興定元年上京行省太平執其父承充以應

布希萬奴阿爾占治廢壘積芻糧以自守萬奴使招之不從乃射承充書入城得而碎之曰此詐也萬奴兵急攻之乃衣男子服與其子富德督戰甚力殺數百人生擒十餘人乃解去後復遣將擊萬奴兵獲其將一人詔封郡公夫人金史

贊曰手碎詐書拒戰彎弧擎旗斬將大破萬奴厥功甚偉興定之初

晏溥妻

晏溥妻趙氏靖康初身自戎服率義士與賊力戰史籍

贊曰戎服勒兵名標女史敵愾同仇亦有義士

完顏仲德妻

蔡城被圍完顏仲德妻率諸命婦自作一軍運矢石城下城中婦女爭出繼之

完顏
史記

贊曰集諸命婦自作一軍光增翟茀克著奇勲

宣娘

黃平州宣娘有武略嘗領兵營于黃平今城北有宣

娘壘

貴州
通志

贊曰黃平宣娘武略既美馮弔高風尙遺戰壘

許夫人

許夫人聚兵立山寨甚盛歸周彥榮甚鬪諸山寨

癸辛

襍識

贊曰夫人聚兵屯列杉楓山寨遂盛板屋遺風

畢韜文

畢女著字韜文父守薊邱與流賊戰死尸爲賊所虜
著卽于是在夜率精銳入攻賊營旣至賊正飲酒著乘
其不意奮勇突前手刃其渠與父尸而還時女年方

二十四一時驚異焉

別裁集王初桐僉史著歎
縣人後嫁昆山王聖開

贊曰畢女矢志不共戴天夜率精士攻賊之堅殲厥渠魁輿父尸還仁孝且勇芳徽永傳

韓貞女

韓貞女保甯人元末明玉珍據蜀貞女慮見掠僞爲男子服混迹民間旣而被驅入伍轉戰七年人莫知其處女也後從明玉珍破雲南還遇其叔父贖歸都始改裝而行同時從軍者莫不驚異洪武四年嫁爲尹氏婦成都人以韓貞女稱玉池
談屑

贊曰改裝入伍滅滇功成百夫之特女子之貞

瓦氏

田州女土官瓦氏嘉靖十四年調之征倭至蘇州索有司捕蛇爲軍中食敗倭于王江涇靜志居詩話

贊曰以甲爲裳以蛇爲糧奇哉女將土官之良

沈雲英

沈至緒女雲英弱齡父教以胡氏春秋崇禎十五年至緒守道州流賊薄城雲英與父拒賊于麻漢驛前父中流矢死雲英率數女將潰圍奪父屍出湖廣總督奏聞詔拜雲英爲游擊將軍代父將軍守道州後

雲英亦戰死

明史

贊曰道州共守親歿女悲再戰破賊奪還父尸孝勇無敵朝廷嘉之

蕭如薰妻

參將蕭如薰妻楊氏故尙書兆女也賢而多智贊夫死守以拒哱拜之黨日具牛酒犒士哱拜養子雲最驍勇引兵急攻如薰伏卒高關誘賊入射雲死城獲全如薰擢副總兵楊氏亦被旌

劉孟塗奇女傳

贊曰哱拜來攻同挫賊銳夫榮婦旌揚名後世

阿曩

土官陶瓊祖母阿曩正統閒叛寇入境阿曩率所部禦賊斬馘甚多境土以安封太淑人

景東府志勝

贊曰阿曩知兵孫爲土官率部禦賊邊境以安

張銓妻

張銓妻霍氏銓盡節遼陽其子官京師獨霍氏在家寇至衆請避之曰避賊而出家不保出而遇賊身更不保等死耳曷死于家乃率童僕堅守家堡賊環攻四晝夜卒不克而去其避山谷者多被淫掠副使王

肇生名其堡曰夫人城後賊來犯竝擊卻之里人多賴以免

流寇始未

贊曰堅守家堡晝夜能防哀我夫子盡節遼陽忠貞濟美羨羨流芳

秦良玉

秦良玉石柱宣撫使馬千乘妻也千乘死良玉代領其衆爲人饒膽識善騎射竝通詞翰儀度閒雅而馭下嚴峻每行軍發令戎伍肅然所部號白桿兵平播州蘭州水西援遼拒張獻忠皆有功及獻忠陷全蜀

良玉慷慨語其眾曰吾兄弟二人皆死王事吾以孱婦蒙國恩二十年今不幸至此其官以餘年事逆賊哉悉召所部約曰有縱賊者殺無赦乃分兵守四境賊徧召土司獨無敢至石柱者

明史

秦良玉帥師勤王召見賜綵幣御製詩旌之曰蜀錦征袍手製成桃花馬上請長纓世間不少奇男子誰宵沙場萬里行

崇禎遺事

贊曰兄弟二人皆死王事身受國恩敢有他志白桿兵強忠勲可記

吳允誠妻及媳

蒙古人巴圖特穆爾來歸賜姓吳名允誠領所部居涼州有三子曰答蘭曰管者曰克勤允誠與二子從軍其妻及管者居涼州番人誘脅其眾欲叛去允誠妻與管者謀召部將禽其黨誅之帝喜降敕旌獎管者妻亦有智略嘗親入朝獻馬朝廷多其忠明史

永樂八年敕涼州都督吳允誠妻曰比韃寇以兵脅爾爾能守節勵志謀執叛者戮之以婦人而秉丈夫之節朕甚嘉焉令賜爾綵幣十表粟米百石鈔四千

列傳卷一
賈羊百穎用示褒嘉

弇山堂別集

贊曰涼州拒寇子婦能從入朝獻馬帝嘉其忠

木青妻羅氏

木青妻羅氏蘭州人夫任土知府羅氏嫁十年夫卧病竭力調治不起方閏凶時適有蕃寇慨然曰彼以我新遭喪子在襁褓無能爲耳乃擐甲躍馬先士卒而出一鼓克敵邊鄙以甯事姑盡孝教子以忠誥封恭人年五十一終

劉孟塗奇女傳

贊曰恭人擐甲憤不欲生一戰克敵邊鄙以甯

劉淑

劉夫人淑南昌忠烈公鐸之女也能讀父書精曉兵法歸王次諧諧天夫人孀居逆闖逼京師聞鼎湖之變夫人乃散家財募死士得數百人併其童僕悉以司馬法部署指揮成陳士卒咸用命然孤軍寡援會滇帥張某適至謁見夫人以醉語不遜夫人怒拔劍將斬之帥環柱走一軍皆驚思反兵相攻咸被甲夫人曰殺一女子何用甲也然五步之外汝不得恃眾索筆賦詩見志因慷慨責帥仗劍指陳大義諸軍聞

之無不變色卻立者帥悔且懇率麾下叩首請罪夫
人曰婦言不出閭吾爲國難以至於此事之不濟天
也將軍好爲之跨馬而去

巢震林史
闕文補

賛曰南昌忠烈有女全貞怒責演帥踊躍用兵慷慨
陳義一軍皆驚

夜梅

夜梅順甯人焚婦萬厯閒木邦侵境兵勢甚勁郡男
子與之敵者皆北婦手持尺劍敗其黨百十騎自是
木邦不敢犯名勝志

贊曰木邦強盛毋敢擣鋒女子奮劍殲彼羣凶

張鐸妻

崇禎十四年賊破汝州城張鐸妻丁氏謂兩婢曰今

日必死曷若先出擊賊殺賊而斃不失爲義烈鬼于

是執梃而前賊先入者三悉斃于梃羣賊怒攢刺之

明史
汝州志作張鋒妻

贊曰丁氏義烈不負夫張孰若先出擊賊而亡

張國紘妻楊氏

楊氏安定舉人張國紘妻崇禎十六年賊賀錦攻城

急國紜與守者議丁壯登陴女子運石楊先倡城中
女子從之須臾四城皆徧及城陷楊死譙樓旁事定
獲其屍兩手猶抱石

明史

贊曰賊錦攻城助夫拒逆死譙樓旁手猶抱石

劉夫人

劉夫人周將軍遇吉妻崇禎甲申李賊犯甯武公血
戰七晝夜夫人登屋而射發一矢輒殪一賊力竭城

陷同死

邵長蘅詩注
啟禡野乘

贊曰紅顏殺賊十發十殪戰七晝夜與夫同逝可謂

雙忠不負思帝

青嘉努妻 納岱妻 邁圖妻

天命十年六月明將毛文龍遣兵三百夜入耀州城南之蕎麥衝薄官屯寨方踰牆我寨兵未及堵禦有青嘉努納岱邁圖三人之妻倚車轅於牆以爲梯青嘉努妻持利刃率二婦登梯奮擊三百人皆驚墜牆走守耀州城總兵楊古利率兵追擊盡殲之上召三婦獎賚金帛牛馬賜青嘉努納岱妻備禦邁圖妻千

總職

王先謙
東華錄

贊曰蕎麥衝側薄官有屯三婦忠勇氣若孟賁距賊三百顚於砦門帝皇嘉之武秩拜尊

徐襄毅妻許夫人

許夫人奉天鐵嶺人鎮平將軍一等男徐襄毅公涓都妻精韜鈴善騎射襄毅出兵夫人每自爲一隊康熙十三年吳三桂犯湖南襄毅援彝陵夫人駐防江口十五年鎮將楊來嘉叛夫人沿江剿賊屢卻之八月賊猝犯鎮署夫人中礮歿特旨優卹子雲騎尉世職次子永年襲夫人能詩常賦馬上歌曰快馬輕刀

夜研營健兒疾走寂無聲歸來金鐙齊敲響不讓鬚眉是此行

正始集

贊曰夜襲研營鬚眉有媿臨陳賦詩軍中驚異礮殞芳烈形史猶記

林夫人

沈文肅公夫人林氏文忠公則徐之女咸豐六年沈文肅公知廣信府粵賊將至城中本無守兵百姓皆逃亡省垣亦無兵救援夫人曰與其坐而待亡孰若乞救於隣省玉山饒總兵總兵名廷選爲林文忠舊

部或以義來援乃醫指血淋漓寫書一函請救沈文肅持出府門見擔夫數人入城賞青錢四千令健足送玉山玉山離廣信三日程軍裝由山河下水漲則速血書旣發卽令擔夫數人往四鄉招募死士數百與夫人登城覽形勢閉城門共守會大雨山水發援兵至而賊已薄城先是賊有偵探言廣信城門洞開無守備及見城上旗幟大驚殺偵探者饒總兵屢出兵擊卻之夫人執爨享士半月餘賊遁走曾文正公在九江奏文肅夫婦守城之功後百姓建沈公祠夫

人同祀

詳余咸同以來聞見錄

附林夫人書

將軍漳江戰績噴噴人口里曲婦孺莫不知海內有
饒公矣此將軍以援師得名於天下者也此間太守
聞吉安失守之信豫備城守偕廉侍郎往河口籌饑
招募但爲勢已迫招募恐無及縱倉卒得募而返驅
市人而戰之尤所難也頃來探報知昨日貴溪失守
人心惶惶吏民鋪戶遷徙一空署中僮僕紛紛告去
死守之義不足以責此輩只得聽之氏則倚劍與并

爲命而已太守明早歸郡夫婦二人荷國厚恩不得
藉手以報徒死負咎將軍聞之能無心惻乎將軍以
浙軍駐玉山固浙防也廣信爲玉山屏蔽賊得廣信
乘勝以抵玉山孫吳不能爲謀竇育不能爲守衢嚴
一帶恐不可問全廣信卽以保玉山不待智者辨之
浙大吏不能以越境咎將軍也先宮保文忠公奉詔
出師中道齋志至今以爲心痛今得死此爲厲殺賊
在天之靈實式憑之鄉間士民不喻其心以輿來迎
赴封禁山避賊指劍與并示之皆泣而去太守明晨

得饑歸後當再專牘奉迓得拔隊確音當執爨以犒
前部敢對使幾拜爲七邑生靈請命昔睢陽嬰城許
遠亦以不朽太守忠肝鐵石固將軍所不吝與同傳
者也否則賀蘭之師千秋同恨惟將軍擇利而行之
刺血陳書願聞明命

贊曰佐夫成名忠至智生齧血寫書遠請救兵危城
克保廟祀膺榮

孝烈夫人

孝烈夫人者知江西建昌府何栻之妻也咸豐年間

粵賊犯郡境栻先令眷屬避遠鄉後夫人聞賊將至願守城同死入城月餘親執爨享士補綴裳衣登陴覽形勢曰糧仗不足柰何迨賊至攻急城陷栻被創暈絕爲練勇昇之出城復蘇請大夫發兵救援不數日郡克復夫人與三女則死於府廨井中矣朝廷旌獎謚曰孝烈許建專祠詳見咸同以來聞見錄

贊曰孝烈相夫金石志堅城壞身隕忠節凜然

莫遠猷母池氏

莫遠猷母池氏苦節撫子咸豐五年黔省上江齋匪

八寨苗匪相繼竊發池氏在獨山州令子孫築堡州
北路賊來輒大創去及庚申歲粵賊石達開陷州城
池氏率子遠猷孫秋闈與賊巷戰死莫大猷奉母陳
奔村落閒亦被焚大猷遠猷皆莫先生友芝猶子巴
陵吳南屏題先生影山艸堂圖詩有句云捍賊殺賊
好猶子猶子之子并門死更有兩嫂羅此凶一門義
烈高鄉里

獨山莫子思影山艸堂
本末巴陵吳南屏題詩

贊曰母子併命忠節凜然築堡禦賊戰蹟可傳

李仙姑

李武愍公孟羣從妹名素貞號仙姑習擊劍多武藝能辟五兵在武愍軍中常戰勝鄂人驚以爲神後歿于陳

王壬秋湘軍志陳其元庸閒錄筆記

贊曰武愍有妹能辟五兵鄂人驚詫善戰知名

孫開華軍門媳

孫武壯公開華光緒十年守淡水屢敗法兵爲名將公子幼華恂恂如書生二十一年日兵北犯朝廷割臺灣與和臺人不啻讓公子募壯士與日人戰死於三貂嶺妻林氏散家財招募一軍爲夫報仇亦戰死

紙新聞

贊曰公子戰死妻率義民爲夫報仇沒而不泯

古今女將傳贊卷下終

大竹徐永孝校字

先君少游會文正公濂生之門孰習掌故清季政教
日衰將懦兵弱國家不競外侮日亟慨然思咸同伐
亂將帥之功撰中興將帥別傳正續編三十二卷欲
以激厲戎行警惕中國使人知安不忘危不可一日
無武備其書早風行於世清廷亦忧於外患之深改
科舉設學校文學亦於此萌芽先君謂強國之本
基於陰教中國舊習女子以和柔婉順爲美而鮮剛
彊毅烈之風不足以應世變維危局乃擇取正史及
百家襍記女子好義知兵禦侮衛國有奇節者上自
軒轅下逮清代都爲一編題曰古今女將傳贊欲貽

諸女學以振元女馮嫽譙國平陽巾幘之遺烈冀有
裨於世教書成江南編譯局員李璵善圖畫欲仿明
呂坤閨範例爲繪圖傳各一目畫未半丁亥革命圖
稿喪失民國二年皖都督柏烈武聘先君長國學
社復綴拾舊稿補成之未幾先君卽世師轍謹識遺編仍思倩名手繪圖荏苒未就邇歲莅蜀契友多
請梓行師轍亦以國事益艱圾乎不可終日斯編爲當世所急需又懼稿本之散佚不復補圖先付剞劂
仍列圖目於編耑以待海內好事君子爲之補繪以
彌其闕馨香祝之矣民國廿七年元月男師轍謹識